



CONVENIO DE COLABORACIÓN ENTRE O CONCELLO DE VIGO E A CÁMARA DE OFICIAL DE COMERCIO, INDUSTRIA, SERVIZOS E NAVEGACIÓN DE PONTEVEDRA, VIGO E VILAGARCÍA DE AROUSA PARA A REALIZACIÓN DE ACCIÓNS FORMATIVAS DE INTERESE XUVENIL

Expte 10.289-336

En Vigo , a ____ de _____ de 2026

REUNIDOS

DUNHA PARTE, ANA MARÍA MEJÍAS SACALUGA, **Concelleira da Área de Goberno de Emprego, Patrimonio, Tecnoloxía e Relación coas empresas, Turismo e Xuventude do Concello de Vigo**, (*Resolución de Alcaldía de data 25/09/2025, BOPPO nº 186 do 30/09/2025*).

E DOUTRA, **D. JOSÉ GARCÍA COSTAS**, con DNI: 35931046D actuando na súa condición de **Presidente da Cámara Oficial de Comercio, Industria, Servizos e Navegación de Pontevedra, Vigo y Vilagarcía de Arousa**,

E, a **Secretaría de Administración Municipal**, dando fe do acto

MANIFESTAN

1.- Que a Cámara de Comercio, Industria, Servizos e Navegación de Pontevedra, Vigo e Vilagarcía de Arousa (en adiante a Cámara) foi creada no ano 2016 (*Decreto 191/2015 DOGA do 23 de decembro*). E que está actualmente instalada na Rúa da República Arxentina nº 18A, 36201 Vigo.

2.- Que as Cámaras Oficiais de Comercio, Industria, Servizos e Navegación son corporacións de dereito público que realizan funcións de carácter consultivo e de colaboración coas Administracións Públicas en todo aquilo que teña relación coa representación, promoción e defensa dos intereses xerais do comercio, a industria, a navegación e os servizos.

3.- Que entre as súas finalidades principais constan, entre outras, "*Participar con las administraciones competentes en la organización de la formación práctica en los centros de trabajo incluida en las enseñanzas de Formación Profesional y en las acciones e iniciativas formativas de la Formación Profesional Dual, en especial en la selección y validación de centros de trabajo y empresas, en la designación y formación de tutores de los alumnos y en el control y evaluación del cumplimiento de la programación, sin perjuicio de las funciones que puedan atribuirse a las organizaciones empresariales en este ámbito.*"

4.- Que, dentro das accións desenvolvidas este ano pasado pola Cámara destacamos:

a) Servizos de Apoio ao Emprendemento: a través dos programas europeos cofinanciados por Fondo Social Europeo: - EMPRENDEDORAS E ESPAÑA-EMPRENDE

b) Servizos de Apoio á Inserción Laboral a través dos programas europeos cofinanciados polo Fondo Social Europeo: TALENTO NOVO PICE: dirixido a mozos entre 16 e 29 anos que actualmente non estudan nin traballan e empresas que queiran contratar a mozos cualificados.

5.- Que o Concello de Vigo, en desenvolvemento da lexislación de réxime local, como entidade pública local de carácter territorial asumiu competencias relativas a servizos culturais e de ocupación do tempo

**SERVIZO DE
XUVENTUDE**

**CONCELLERÍA DE TURISMO
E XUVENTUDE**

**CONCELLO
DE VIGO**



libre, materia na que o municipio poden asumir competencias a tenor do disposto nos artigos 25.2.m da Lei 7/1985, do 2 de abril, de bases de réxime local e o artigo 80.2.n da Lei 5/1997 do 22 de xullo, de administración local de Galicia.

6.- Que o Concello de Vigo é titular dun edificio denominado Casa da Xuventude e pertencente á Concellería de Xuventude, ubicado na rúa Lopez Mora nº 31; que dito edificio consta de varios pisos e múltiples espazos variados nos que realizar actividades. Ademais conta coas infraestruturas necesarias para elo: recursos materiais (mobiliario diverso, material audiovisual etc), comunicación e acceso gratuíto a internet, entre outros. Actualmente na planta soto está instalado o espazo de dinamización infantil que funciona de xeito permanente polas tardes e que se dirixe a menores dende os 4 e ata os 12 anos de idade.

7.- Así mesmo dentro dos fins da Concellería de Xuventude está o de fomentar e ofrecer ao colectivo mozo do municipio programas de actividades que faciliten a súa óptima integración social e laboral así como, o de favorecer a participación xuvenil na sociedade.

Ao efecto as partes recoñécense mutuamente capacidade legal suficiente e,

ACORDAN

PRIMEIRO: OBXECTO E FINALIDADE.

- Constitúe o obxecto do presente convenio a cesión temporal, gratuíta e compartida do espazo municipal da Casa da Xuventude sito na rúa Lopez Mora nº 31 en Vigo e conformado pola planta baixa e planta primeira e cos equipamentos existentes, para a realización das diversas accións formativas a desenvolver en colaboración entre a Concellería de Xuventude do Concello de Vigo e a Cámara. As accións formativas terán como poboación destinataria ao colectivo mozo da cidade interesado en participar.

- A Cámara en contraprestación porá a disposición o equipo docente e os recursos necesarios para desenvolver o contido das diversas accións formativas a realizar nas instalacións da Casa da Xuventude e que formarán parte do programa anual formativo da propia Cámara. Deste xeito, entre ambas entidades seleccionaranse as accións que mellor se adapten aos intereses do Concello de Vigo. Así mesmo a Cámara deberá realizar o seguimento avaliativo que corresponda na idea de garantir a calidade das accións propostas.

SEGUNDO: USO COMPARTIDO

- Os citados usos compartiranse coas necesidades e as accións propias da Concellería de Xuventude, debéndose acordar previamente entre ámbalas dúas partes, o calendario e o uso dos espazos a utilizar a tenor da programación formativa proposta. Este programa formativo determinarase en función dos intereses municipais e atendendo sempre ao interese xuvenil do colectivo mozo da cidade.

TERCEIRO: DURACIÓN

- A duración do presente convenio estipúlase por un prazo de 12 meses dende a sinatura do mesmo e **podería ser prorrogado de común acordo** nas condicións e termos que conveñan a ámbalas dúas partes e non podendo nunca superar un período máximo de ata 4 anos adicionais ou da súa extinción.



CUARTO: COMPROMISOS DO CONCELLO DE VIGO E DA CÁMARA DE COMERCIO NO DESENVOLVEMENTO DA COLABORACIÓN.

- Con arranxo á referida colaboración, o Concello de Vigo a través da Concellería de Xuventude, comprométese a ceder os espazos e recursos necesarios exclusivamente para os fins mencionados no presente convenio.
- A Concellería de Xuventude comprométese a co-xestionar as inscricións para a participación xuvenil nas accións formativas, así como a dar a maior difusión das mesmas a través dos diferentes canais dispoñibles (web de xuventude, canais municipais de difusión e medios de prensa).
- A Concellería de Xuventude comprométese a que o edificio reúne as condicións de salubridade e seguridade adecuadas para o desenvolvemento da actividade.
- A Cámara velará polo axeitado desenvolvemento das accións formativas en coordinación permanente co equipo do Servizo de Xuventude tanto o que está nas instalacións da Casa da Xuventude como o que está ubicado na pranta 10ª do Concello de Vigo (Praza do Rei s/n).
- Acordar co Concello de Vigo as accións formativas a desenrolar neste convenio. Como criterio principal estas accións deberán estar dirixidas preferentemente ao colectivo mozo do municipio, entendendo o mesmo ata os 30 anos de idade.
- Incorporar a imaxe corporativa do Concello de Vigo en todo o material publicitario das accións formativas en colaboración co Concello de Vigo. Así mesmo, o Concello de Vigo incorporará a imaxe corporativa da Cámara na difusión das accións formativas en colaboración.
- Dotar ás accións formativas en colaboración a executar, do persoal docente e de coordinación necesario para o seu óptimo desenvolvemento.
- Remitir a esta Concellería, ao remate de cada acción, unha breve avaliación coa participación e valoración das enquisas de satisfacción.

QUINTO: CONDICIÓNS DA CESIÓN DO ESPAZO E OS EQUIPAMENTOS.

A cesión de uso dos espazos e recursos conveniados someterase ás seguintes condicións:

- O Concello de Vigo deberá adoptar as medidas pertinentes para garantir a conservación, mantemento e demais actuacións que requiran o correcto uso e utilización dos espazos municipais conveniados.
- Será por conta do Concello todos os gastos de mantemento que xere a ocupación dos espazos, de consumo de enerxía eléctrica, auga, calefacción, internet; así mesmo será por conta do Concello a limpeza e coidado das instalacións da Casa da Xuventude.
- A Cámara deberá adoptar as medidas pertinentes para garantir a conservación, mantemento e demais actuacións que requiran o correcto uso e utilización do espazo obxecto de cesión.
- A Cámara responderá dos danos que puidesen ocasionarse por un uso inadecuado das instalacións utilizadas en virtude do presente convenio, así como da responsabilidade civil derivada do uso dos mesmos e da actividade levada a cabo polo seu propio persoal.

**SERVIZO DE
XUVENTUDE**

**CONCELLERÍA DE TURISMO
E XUVENTUDE**

**CONCELLO
DE VIGO**



- A Cámara deberá respectar os horarios e o calendario laboral que rexen as dependencias municipais da Casa da Xuventude.

- En caso de tratamento de datos de carácter persoal, a Cámara deberá cumprir coas prevencións que establece o Regulamento (UE) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e a Lei Orgánica 3/2018, de 5 de decembro, de Protección de Datos Persoais e garantía dos dereitos dixitais.

SEXTO: MODIFICACIÓNS OU NOVOS ACORDOS.

O contido do presente convenio non poderá ser modificado, ampliado ou restrinxido salvo por pacto expreso e por escrito das partes intervenientes que debería incorporarse como unha addenda do mesmo.

SÉTIMO: RESOLUCIÓN E DESISTENCIA.

Son causas de resolución do presente Convenio, en función do establecido no art. 51 da Lei 40/2015, de 1 de outubro:

- O transcurso do prazo de vixencia do Convenio sen haberse acordado a prórroga do mesmo.
- O mutuo acordo das partes asinantes, manifestado por escrito.
- O incumprimento dalgunha das partes das súas obrigacións nun período de trinta días a partir da notificación escrita pola outra parte, neste caso pode resolver unilateralmente o presente Convenio.
- Por decisión xudicial declaratoria da nulidade do Convenio.
- Por calquera outra causa distinta das anteriores prevista no convenio ou na lexislación vixente.
- No caso de que por forza maior ou por algunha das causas indicadas, devíñese imposibilidade en celebrar algunha das accións formativas de colaboración, nas datas e espazo previstas, ambas as partes comprométense a buscar datas ou espazos alternativos de similares características para o óptimo desenvolvemento da acción.

OITAVO: MECANISMOS DE SEGUIMENTO E CONTROL

As entidades que asinan este convenio establecerán a 2 persoas responsables do seguimento e control do cumprimento de todo o disposto no presente convenio ata a extinción do mesmo. Neste caso, entenderáse que estas persoas responsables serán as propoñentes do presente convenio que pertencen respectivamente aos equipos de xestión técnica da Concellería de Xuventude e da Cámara.

NOVENO: RÉXIME ECONÓMICO DO CONVENIO

As obrigacións derivadas da subscripción do presente convenio **non levan achegas** económicas de carácter monetario **nin xeran compromisos financeiros** para o Concello de Vigo, non tendo por tanto impacto económico. Non se trata dun contrato administrativo senon dun convenio.

DÉCIMO: NATUREZA XURÍDICA E XURISDICIÓN APLICABLE AO CONVENIO.

- O presente convenio ten natureza xurídico-administrativa e, de conformidade co disposto no artigo 6.2 da Lei 9/2017, de 8 de novembro, de Contratos do Sector Público, atópase excluído do seu ámbito



de aplicación, sen prexuízo de aplicar os principios desta Lei para resolver dúbidas e lagoas que puidesen presentarse.

- O réxime xurídico aplicable ao mesmo é o establecido nos artigos 47 a 53 da Lei 40/2015, de 1 de outubro, de Réxime Xurídico do Sector Público.
- Ademais, é de aplicación a seguinte normativa:
 - Lei 40/2015 que regula o contido dos convenios.
- Lei 33/2003, de 3 de novembro, de Patrimonio das Administracións Públicas.
- Regulamento de Bens das Entidades Locais, aprobado por Real Decreto 1372/1986, de 13 de xuño.
- Aplicaranse igualmente os principios da Lei 9/2017, de 8 de novembro, de Contratos do sector Público, para resolver as dúbidas e lagoas que puidesen presentarse, ao amparo do disposto en os artigos 4 e 6.2 de devandita Lei.
- Corresponderá a Xurisdición Contencioso-Administrativa o coñecemento e resolución de cantas controversias pódase suscitar entre as partes en canto a efectos, interpretación, modificación, resolución ou cumprimento do convenio, sen prexuízo das funcións atribuídas a a Comisión de Seguimento.

UNDÉCIMO: EFICACIA.

- O presente Convenio será eficaz dende a firma do mesmo polas partes.

E en proba de conformidade con canto antecede, as partes subscriben o presente acordo no lugar e data que constan ao comezo deste documento.

D. JOSÉ GARCÍA COSTAS, Presidente de la Cámara Oficial de Comercio, Industria, Servicios y Navegación de Pontevedra, Vigo y Vilagarcía de Arousa **Dña. ANA MARÍA MEJÍAS SACALUGA**, Concelleira da Área de Goberno de Emprego, Patrimonio, Tecnoloxía e Relación coas empresas, Turismo e Xuventude do Concello de Vigo, *(Resolución de Alcaldía de data 25/09/2025, BOPPO nº 186 do 30/09/2025).*